

**ხელშეკრულება #1**  
**სახელმწიფო შესყიდვის შესახებ**  
**(ელექტრონული ტენდერი – SPA150030658)**  
**(CPV - 45400000)**

ქ. თბილისი

12 იანვარი 2016 წელი

ერთის მხრივ, სსიპ - მიხეილ შენგელიას სახელობის ქართული მედიცინის ისტორიის მუზეუმის დირექტორი რამაზ შენგელია და ა(ა)იპ თბილისის განვითარების ფონდის დირექტორი გიორგი ბაიდარაშვილი შემდგომში „შემსყიდველები“, რომელიც მოქმედებს საქართველოს კანონმდებლობის საფუძველზე და მეორეს მხრივ შპს „ტერმინალი“, შემდგომში „მიმწოდებელი“, შაქრო კვაშილავას სახით, რომელიც ასევე მოქმედებს საქართველოს კანონმდებლობის საფუძველზე, ელექტრონული (SPA150030658) შესყიდვის საშუალებით დებენ წინამდებარე ხელშეკრულებას შემდეგზე;

**1. ხელშეკრულების საგანი**

1.1 მიმწოდებელი იღებს ვალდებულებას ამ ხელშეკრულების პირობების თანახმად გაუწიოს შემსყიდველს ქ. თბილისში, დ. უზნაძის ქ. №51-ში მდებარე, სსიპ მიხეილ შენგელიას სახელობის ქართული მედიცინის ისტორიის მუზეუმის შენობის სარემონტო-სარეაბილიტაციო სამუშაოები ამ ხელშეკრულების N1 დანართის (სახელმწიფო შესყიდვების ერთიან ელექტრონულ სისტემაში ატვირთული ხარჯთაღრიცხვა, გეგმა გრაფიკი და პროექტი) შესაბამისად.

1.2 კლასიფიკაციის **CPV** კოდი – **45400000**

1.3 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

**2. ხელშეკრულების ღირებულება**

2.1 წინამდებარე ხელშეკრულების საერთო ღირებულება შეადგენს: 242000 (ორასორმოცდაათი) ლარს;

2.2 მომსახურების ერთეულის ფასი და ხელშეკრულების საერთო ღირებულება შეიცავს მიმწოდებლის ყველა ხარჯებს, დაკავშირებულს მომსახურების მიწოდებასთან, ასევე კანონით გათვალისწინებულ გადასახადებს;

2.3 ხელშეკრულების საერთო ღირებულება უცვლელია ხელშეკრულების მოქმედების მთელ პერიოდში;

2.4 დაფინანსების წყაროს წარმოადგენს 2016 წლის ადგილობრივი თვითმმართველი ორგანოს ბიუჯეტი, და 2016 წლის სახელმწიფო ბიუჯეტიდან გამოყოფილი ასიგნებები.

2.4.1 ა(ა)იპ თბილისის განვითარების ფონდის 2016 წლის ადგილობრივი თვითმმართველი ორგანოს საბიუჯეტო ასიგნებებიდან ასანაზღაურებელი თანხა შეადგენს 140 000 (ას ორმოცი ათასი) ლარს, ხოლო სსიპ - მიხეილ შენგელიას სახელობის ქართული მედიცინის ისტორიის მუზეუმის 2016 წლის სახელმწიფო საბიუჯეტო ასიგნებებიდან ასანაზღაურებელი თანხა შეადგენს 102000 (ას ორიათასი) ლარს.

**3. ხარისხი**

3.1 მომსახურების ხარისხი უნდა შეესაბამებოდეს ამ ხელშეკრულების 1.1 პუნქტით გათვალისწინებულ მაჩვენებლებს;

3.2 მიმწოდებელი პასუხს აგებს მიწოდებული მომსახურების ხარისხზე, ხოლო შემსყიდველი უფლებამოსილია ჩაატაროს ხარისხის კონტროლი მომსახურების მიწოდებიდან 15 (თხუთმეტი) სამუშაო დღის განმავლობაში, თუ ამ პერიოდში აღმოჩნდება უხარისხო (წუნდებული) მომსახურება მიმწოდებელი ვალდებულია არაუმეტეს 5 სამუშაო დღეში გამოასწოროს წუნდებული მომსახურება;



#### 4. მიწოდების წესი

4.1 მომსახურების მიწოდებას უზრუნველყოფს მიმწოდებელი საკუთარი ხარჯებით ხელშეკრულების გაფორმებიდან არაუგვიანეს 100 (ასი) კალენდარული დღის ვადაში თანდართული გეგმა-გრაფიკის შესაბამისად.

4.2 მიმწოდებელი ვალდებულია მომსახურების მიწოდებისას უზრუნველყოს თანმხლები დოკუმენტაციის წარმოდგენა, მათ შორის: ანგარიშ-ფაქტურა;

4.3 შემსყიდველი უფლებამოსილია მომსახურების მიწოდების დროს ჩაატაროს მომსახურების ხარისხის შემოწმება კონტროლი, რისთვისაც გამოყოფს უფლებამოსილ პირ(ებ)ს: მიხეილ თავაძე, ქეთევან სადალაშვილი, ვახტანგ წერეთელი, დავით ტალახაძე, რომელიც აგრეთვე უფლებამოსილია ჩაატაროს ხელშეკრულების პირობების შესრულების ინსპექტირება, ხოლო მიმწოდებელი ვალდებულია ხელი შეუწყოს ინსპექტირების ჩატარებას;

4.4 შემსყიდველი უფლებამოსილია განაცხადოს უარი დაგვიანებით მიწოდებული, ან უხარისხო (წუნდებული), ან არასათანადო ან არასრული თანმხლები დოკუმენტაციის მქონე მომსახურების მიღებაზე და მის ანაზღაურებაზე;

4.5 მომსახურების მიწოდება დასტურდება ორივე მხრის მიერ ხელმოწერილი მიღება-ჩაბარების (შესაძლებელია შუალედური) აქტით;

#### 5. ანგარიშსწორების წესი

5.1 შემსყიდველი იღებს ვალდებულებას გადაუხადოს მიმწოდებელს ამ ხელშეკრულებით განსაზღვრული ანაზღაურება მომსახურების მიწოდების შემდეგ მიღება-ჩაბარების აქტის, ანგარიშ-ფაქტურის, ფორმა №2-ის, ფორმა №3-ის, საგადასახადო დოკუმენტაციის, ინსპექტირების ჯგუფის დასკვნისა და ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნის (დასკვნის მომზადების ვადა არ შედის სამუშაოების შესრულების ვადაში) საფუძველზე, ყველა ამ დოკუმენტების წარმოდგენიდან 10 (ათი) სამუშაო დღის განმავლობაში დოკუმენტში აღნიშნული ოდენობის შესაბამისად;

5.2 ანგარიშსწორების ვალუტა - ლარი;

5.3 გადახდის ფორმა - შესაძლებელია წინასწარი ანგარიშსწორებით საბანკო გარანტიის წარმოდგენის საფუძველზე 5.4.1. პუნქტის შესაბამისად;

5.4.1 ანგარიშსწორება შესაძლებელია განხორციელდეს წინასწარი ანგარიშსწორების გზით, 2016 წლის ადგილობრივი თვითმმართველი ორგანოს საბიუჯეტო ასიგნებებიდან არაუმეტეს 140,000 ლარის ოდენობით.

5.4.2 წინასწარი ანგარიშსწორების შემთხვევაში მიმწოდებელი ვალდებულია წარუდგინოს შემსყიდველ ორგანიზაციას წინასწარ გადასახდელი თანხის იდენტური ოდენობის საბანკო გარანტია. წარმოდგენილი საბანკო გარანტიის მოქმედების ვადა სულ მცირე 30 კალენდარული დღით უნდა აღემატებოდეს ხელშეკრულების მოქმედების ვადას.

5.4.3 დაუშვებელია წინასწარ გადახდილი თანხები მიმწოდებელმა გამოიყენოს სხვა მიზნებისთვის, რაც არ არის გათვალისწინებული წინამდებარე სატენდერო პირობებით. მიმწოდებელი ვალდებულია შემსყიდველის მოთხოვნის შემთხვევაში წარმოადგინოს წინასწარ გადახდილი თანხების გამოყენების შესახებ დასაბუთებული ინფორმაცია.

5.5 გადაცემის თარიღად ითვლება მიღება-ჩაბარების/შუალედური აქტის ხელმოწერის თარიღი.

#### 6. გარანტია

6.1 შესრულებულ სარემონტო-სარეაბილიტაციო სამუშაოებზე ვრცელდება გარანტია: ფასადის და შიდა სამუშაოები 5 (ხუთი) წელი, გათბობის სამუშაოები 3 (სამი) წელი, ელ.სამონტაჟო სამუშაოები 5 (ხუთი) წელი, კონსტრუქციული ნაწილი 30 (ოცდაათი) წელი. სამუშაოების დროს მიმწოდებლის მიერ დაშვებული



შეცდომების ან/და სამუშაოების დროს გამოყენებული უხარისხო მასალის გამო დაზიანების შემთხვევაში მიმწოდებელი ვალდებულია უზრუნველყოს აღნიშნული ხარვეზის საკუთარი სახსრებით აღმოფხვრა.

## 7. ექსპერტიზა

7.1 მიმწოდებელი ვალდებულია სარემონტო-სარეაბილიტაციო სამუშაოების დასრულების შემდეგ ასევე შუალედური აქტის წარმოდგენის დროს საკუთარი სახსრებით წარმოადგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული პირის მიერ გაცემული ექსპერტიზის დასკვნა, შესრულებული სამუშაოების ხარისხისა და სახარჯთაღრიცხვო დოკუმენტაციის სატენდერო დოკუმენტაციით გათვალისწინებული მოთხოვნების შესაბამისობაზე, რისი მომზადების ვადა არ შედის სამუშაოების შესრულების ვადაში.

## 8. მხარეთა პასუხისმგებლობა

8.1 თავიანთი ვალდებულებების არასათანადოდ შესრულების შემთხვევაში მხარეები პასუხს აგებენ ამ ხელშეკრულებითა და მოქმედი კანონმდებლობით გათვალისწინებული წესით;

8.2 შემსყიდველი უფლებამოსილია მიმწოდებლის მიზეზით ხელშეკრულებით დადგენილი მომსახურების მიწოდების ვადის დარღვევით მიწოდების შემთხვევაში, დააკისროს საურავი ყოველ გადაცილებულ დღეზე ხელშეკრულების საერთო ღირებულების 0,5%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, ვალდებულების შეუსრულებელი ნაწილის 0,5%-ის ოდენობით ყოველ გადაცილებულ დღეზე;

8.3 იმ შემთხვევაში, თუ „მიმწოდებელზე“ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ შესაბამისი პირგასამტეხლო ხელშეკრულების საერთო ღირებულების 2%-ის ოდენობით.

8.4 მხარეები გამოიყენებენ ყველა შესაძლებლობას წარმოქმნილი უთანხმოების აღმოსაფხვრელად მოლაპარაკების გზით. უთანხმოების მოლაპარაკების გზით აღმოფხვრის შეუძლებლობის შემთხვევაში მხარეები მიმართავენ სასამართლოს;

8.5 მხარეები არ აგებენ პასუხს ხელშეკრულების პირობების შესრულებაზე მხოლოდ მათგან დამოუკიდებელი სტიქიური უბედურების ან სხვა ფორს-მაჟორულ შემთხვევაში.

## 9. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს- მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებთან თუ დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების



შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 10. სხვა უფლებები და ვალდებულებები

10.1 შემსყიდველი უფლებამოსილია არ მიიღოს მიწოდებული მომსახურება იმ შემთხვევაში, თუ აღმოჩნდება ნაკლოვანებები, რომლებიც გამორიცხავენ მომსახურების გამოყენებას დანიშნულებისამებრ;

10.2 იმ შემთხვევაში, თუ შემსყიდველი უარს განაცხადებს მიღება ჩაბარების აქტის ხელმოწერაზე, იგი ვალდებულია 5 (ხუთი) დღის განმავლობაში წარუდგინოს მიმწოდებელს დასაბუთებული უარი, წინააღმდეგ შემთხვევაში მომსახურება ითვლება მიღებულად და ექვემდებარება ანაზღაურებას;

10.3 შემსყიდველი უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ შემთხვევაში, როდესაც მიმწოდებელი ვერ უზრუნველყოფს თავისი მიზეზით ხელშეკრულებით გათვალისწინებულ ხარისხიანი მომსახურების დადგენილ ვადებში მიწოდებას;

10.4 მიმწოდებელი ვალდებულია:

10.4.1 წარმოადგინოს ხელშეკრულების უზრუნველყოფის გარანტია (გაცემული საბანკო ან სადაზღვევო დაწესებულების მიერ), ხელშეკრულების საერთო ღირებულების 2,5%-ის ოდენობით, ხელშეკრულების უზრუნველყოფის საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

10.4.2 სამუშაოების შესრულებისას გამოიყენოს მაღალი ხარისხის მასალები და მოწყობილობები და შეესაბამებოდეს ამ სფეროში აღიარებულ სტანდარტებს;

10.4.3 სამუშაოების შესრულების პროცესში გამოყენებული მასალების ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) უნდა შეთანხმდეს შემსყიდველი მხარის ინსპექტირების წარმომადგენელთან/წარმომადგენლებთან.

10.4.4 სამუშაოების ჩატარებისას მიმწოდებელი ვალდებულია დაიცვას კანონმდებლობით, მათ შორის, სამშენებლო რეგლამენტებით გათვალისწინებული მოთხოვნები და ნორმები.

10.4.5 მიმწოდებელმა მინიმუმამდე უნდა დაიყვანოს მუშაობით გამოწვეული ხმაურის, ვიბრაციის და მტვერის გავლენა გარემოზე. ასევე საკუთარი სახსრებით უნდა მოაწყოს საჭირო დამცავი ბარიერები (სხვა სამუშაო სივრცის გამოსაყოფად) შემსყიდველთან შეთანხმებით.

10.4.6 სამუშაოების დასრულების შემდეგ თითოეულ ეტაპზე, საკუთარი სახსრებით უნდა უზრუნველყოს სამუშაო არეალის დასუფთავება და დალაგება. ასევე მიმწოდებელმა სამუშაოების მიმდინარეობის პერიოდში არ უნდა მოახდინოს სარემონტო პერიმეტრის გარეთ ტერიტორიების დაზინძურება.

10.4.7 მიმწოდებელი ვალდებულია სამშენებლო სამუშაოების მთელ პერიოდზე მოხმარებული წყლის და ელექტრო ენერჯის საფასურის ანაზღაურება უზრუნველყოს საკუთარი სახსრებით. რისთვისაც უნდა უზრუნველყოს მრიცხველების დროებითი მონტაჟი შემსყიდველთან შეთანხმებით.

10.4.9 მიმწოდებელმა სარემონტო სამუშაოების შედეგად მიღებული, დემონტირებული გამოყენებადი და ბალანსზე არსებული მასალა უნდა დაასაწყობოს შემსყიდველის მიერ მითითებულ ტერიტორიაზე.

## 11. სხვა პირობები

11.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2016 წლის 1 ივნისის ჩათვლით.

11.2 მხარეთა შორის სადაო საკითხები წყდება მხარეთა მოლაპარაკების გზით. 10 სამუშაო დღის განმავლობაში შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს;

11.3 ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით;



11.4 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულსხვა შემთხვევაში, რაზედაც მხარემ უნდა შეატყობინოს მეორე მხარეს 2 სამუშაო დღით ადრე;

11.5 ხელშეკრულების საერთო პირობები, მათ შორის ფორს-მაჟორისა და ინსპექტირების პირობები მიიღება „სახელმწიფო შესყიდვების განხორციელების წესის შესახებ“ დებულების შესაბამისად;

11.6 წინამდებარე ხელშეკრულება შედგენილია ორ თანაბარ იურიდიული ძალის მქონე ეგზემპლარად. ერთი ეგზემპლარი ინახება შემსყიდველთან, ხოლო მეორე მიმწოდებელთან.

**12. მხარეთა იურიდიული მისამართები და ხელმოწერები:**

„შემსყიდველები“

„მიმწოდებელი“

სიპ მ.შენგელიას სახელობის ქართული მედიცინის  
ისტორიის მუზეუმი  
ს/კ - 202937876  
მისამართი: ქ. თბილისი, უზნაძის #51

შპს „ტერმინალი“  
ს/ნ 220004616

მის: ზუგდიდი, ც. დადიანის ქ. #1  
ბანკი:სს „საქართველოს ბანკი“  
BAGAGE22

GE13BG000000118495000

ელ. მის: [terminal2055@yahoo.com](mailto:terminal2055@yahoo.com)

ტელ: 599410303, (415)250303

მუზეუმის დირექტორი  
რამაზ შენგელია



ა(ა)იპ თბილისის განვითარების ფონდი  
ს/კ - 404384974  
მისამართი: ქ. თბილისი ძმ. ზუბალაშვილების ქ. 48

ხელმძღვანელი  
შაქრო კვაშილავა



ა(ა)იპ თბილისის განვითარების ფონდის დირექტორი  
გიორგი ბაიდარაშვილი

